

**Zeitschrift:** Bündner Schulblatt = Bollettino scolastico grigione = Fegl scolastic  
grischun

**Herausgeber:** Lehrpersonen Graubünden

**Band:** 64 (2002-2003)

**Heft:** 5: Semi adieu!

**Rubrik:** Forum : Bruno

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)


### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 17.05.2025

**ETH-Bibliothek Zürich, E-Periodica, <https://www.e-periodica.ch>**

## Bruno



Jet loosen Lüt, as isch so wit  
dr Bruno hört, macht nümma mit.  
Noch 19 Johr, do tritt er zruug –  
in Zuakunft fehlt üs denk a Stugg!

Jetzt isch denn Schluss mit: «Bruno loos...  
Hesch no a Schwamm, a Heftstoss?  
I han vergessa Blätter z'bstella...

Vu däna Heft han i au no wella!!!

Kann i no a zweita Schlüssel ha?

Was kunnt ar Schualrotsitzig dra?

I han widr amol – as isch dr Wahn –  
dr allerschlechtischt Stundaplan!!!!»

Ab jetzt muasch nümma z'feschd studiara –  
so Züg muass di nüm intressiara!

(Natürlich hoff i, nu ganz persönlü –  
du machisch no öppis, gega a kliises Löönlü!)

Au hämmer in Sacha Schualfinanza  
noch dinara Pfiffa törfa tanza.

Dä Marsch, dä häsch du guat üs pfiffa,  
das händ nid immer alli begriffa.

Zletscht seit aber jeda, wo au öppa geg di isch gschwumma:  
«S'isch Ornig, s'hät klappt und d'Kassa hät gstumma!»

As git no ganz a huffa Sacha,  
wo ma gwusst hät, das wird dr Bruno macha.  
Miar hoffend, das blibi jetzt nid alles ligga –  
Ach nei, do tüamer dia neu schualleitig schigga!!

Vilicht gits Lüt, dia denkend s'isch guat,  
dass üsara Bruno ufhöra tuat.  
Doch eis isch sicher, jetzt stönd mr blöd do –  
Üs Fraua kanns nämlich nu schlechter go!!

A huffa vu do sind dä Wäg mit diar ganga,  
Du häsch au öppa dr Kopf lo hanga.  
Dänn häsch di verkrocha, bisch im Zimmer ghockt –  
z'Büro häsch gschlossa, dr Betrieb hät gstockt.  
Und wenn denn z'Lüünali zruug isch gho –  
denn hät ma's scho vo witt verno.  
Dia meishta händ's tschäggt, das isch dä Job –  
Amol isch ma topp, amol au flopp.

Viel sind mit diar älter, vilicht au gschider gho –  
sind ruhiger worda, lönd as Füfi grad stoh –  
noch all dinara Arbet, däna vielna Johr,  
bisch nid dr einzig mit graua Hoor.  
Aber einzigartig isch alls wo'd häsch tua!  
Als Dank dia paar Wort und as Gschenk dazua.

